

**Ульфат Бадретдинов**

## **АЙГУЛЬ -ТОЛЭЗЬ СЯСЬКА**

кузьмадёс

**МОН**

Со нуналэ ми атаеным Миргурезь палась бусыын ужамы. Лымшор бере мынам йыры висыны өдяз. Синьёсы асьсэос кыниськыны кутскизы, комбайнлэн куараез гудыръям кадь кылйське. Атае шорам учкиз но паймиз:

—Мар тонэн луиз? Ымнырыд кагаз кадь төдды ук!

—Йыры висе...

—Мын, өжыт төлатскы, оло, ортчоз.

Миргурезе тубыса, кӧня ке дыр чӧже гуртмес учкыса сылй. Гурезь йылысен со быдэсак адзиське. Нош йыры таки висемысь уг дугды, пушказ кин ке венен бышка кадь. Оло, кыллыса басылскоз? Музьем былэ выдй. Уг тодйськы ни, кӧня дыр чӧже инбаме учкыса кылли, умме усиськем.

Шуак «ой!» шуыса кесыкем куаралэсь сайкай. Синьёсме усьтй по — азиям тодмотэм нылмурт. Спорт костюмен, кияз — фотоаппарат. Чем шока, гурезе бызьыса тубем, шӧдске.

—Мар луиз тыныд, пияш?

«Малы со монэ пияш шуэ? Милям тэшкылиослы озыы вазисько. Мон пичи на шат? Вот...»

—Оло, кылдэ нбылд? Малы уд вазиськы? — нош ик юаз тодмотэм нылмурт.

—Мыным номыр ӧз луы...

—Малы сыӹе бакомыса учкиськод шорам?

Пумитаз нырысь мар вераны ик ӧй тоды... Мон, пе, шораз учкисько. Ачиз со синьёссэ шорысьтым уг вошъя.

—Нош тй кин?

- Трос тодод — вазь пересымод, — шуиз но комбайнӹс пала бызьыса кошкиз. Паймод но бырод. Монэ пияш шуэ. Ачиз воксё пичи ныл кадь. Выросьёсыныз но, вераськеменыз но. Тусын казах ныллы кельше. Удмурт сямен вераське. Интыысьтым султыса, нылмуртлэсь кытчы мынэмзэ эскерисько. Уть ай, атай доры бызе. Мар кулэ солы? Комбайн дугдйз. Нылмурт атай вӧзы султйз. Вот ерпечка, комбайнэн ворттылыны малпам. Ма, кин со сыӹе?

Нылашлэсь нимзэ со нуналэ ик тодй. Атае вераз:

— Вот шаплы адыми! Айгуль Георгиевна со. Дышетйсь. Асьме школаын, пе, ужалоз.

Мукет номыр ӧз куареты. Ачим но ӧй юалляськы.

Ужысь ми уйшоре гинэ бертылйськом. Вазь чукна ик, нбыль-вить часын, султоно. Умме усьыны вутскиськод гинэ — анае сайкатэ ни. Айгулен пумиськон нуналысен уйёсы клубе потатэк ӧй кылылы. Но юнме — Айгулез адзыны ӧз кылды. Озыы ке но одйг пол мон соин пумиськи... уйвӧтам. Кыззы, малы вуиськем Пыдэстэмнюке, али вераны уг тодйськы. Горд-горд сясъкаез адзыса, мон соку ваньзэ вунэтйськем, шӧдске. Пыд улын лэйкась музьем нокыӹе ӧз поты ни. Сясъка пала мынйсько. Ог вить вамыш лэсьтй но, пыдӹсы нюре выйыны кутскизы. Огзэ пыдме жутыны вырысько, мукетыз пыдлогес кошке. Кускозям выеме бере кесяськыны кутски. «Юрттэ-э-лэ!» — куарае малы ке туж каллен чужьяське. Монэ нокин уг кылы кадь. Кыӹе ке кутйськон арбери утчасько киосыным. Номыр уг сюрэ. Нош нюр монэ ялан пушказ кыске. Тани чыртыозям выё ни. Отвакытэ мон Пыдэстэмнюклы пумитъяськемысь дугдй. Кесяськеме но, киосыным выретэме но уг поты ни. «Нбыл монэ, туж зол сиemed потэ ке!» — сыӹе малпан йырам кылдыса вуиз гинэ, чапак соку кытысь ке тодмо куара

кылйськиз: «Оскы тон аслад кужымедлы. Оскы...» Айгуль? Кытын со?! Котырак утчаськисько. Нылмурт малы ке уг адзиськы. Нош куараез выльысь чужьяське: «Оскы тон аслад кужымедлы...» Куара пала берытскыса, нюрысь потыны вырысько. Шөдйсько: пушкам виль кужым пыриз. Пыдъёсы но золгес вырыны кутскизы. Ки улам кырыж-мерыж боды сюриз. Солы шумпотыса, туж зол кески ук! Куараелэн кужымез чик но ышымтэ. Нош юрттэт курыса кесьяськеме уг поты ни. Мугоры нюрысь ачиз жутйськыны өдяз. Кема ик өз ортчы, Пыдэстэмнюклэсь мозмытски.

—Айгуль! — куараме жалятэк кесьяськеме быдэс улосэ жингыраз... Бордам кин ке но йөтскиз. Шуак луи. Вёзам ик анае сылэ:

—Пие, султы ни, атаед но сайказ...

Анае шоры паймыса учкисько, кытын кыллемме но уг валаськы.

—Чебер вөттэ, оло, куспетй кари?

Мон номыр ой вазы. Сыёе дыръя мар шуыны но уд вала. Кытысь пыро сыёе вөтёс? Пыдэстэмнюк сярысь мон берло дыре воксё ой малпаськылы. Чынзэ верано ке, валлян ми со палась бусыын **чабей** кутсамы. Сиськон дыръя одигез комбайнер Пыдэстэмнюк **сярысь** маке но мадиз...

Шунды али гинэ жужа ай. Ми атаеным комбайн доры дыртйськом ни. Туннэ лысву усьымтэ, ужаны вазь кутском. Мон уйвөтме малпаса мынйсько. Со уг кошки йырысьтым. Айгульлэн «оскы тон аслад кужымедлы» кылъёсызлы паймыса вামышъясько. Кыл — со кужым. Таиз мыным валамон. Кылын адымиез быдтыны но, улзтыны но луэ.

—Учкы, Толя, Айгуль Георгиевна пыд йылаз ни, — атаелэн ваземез малпанме куспетй кариз. Зэм но, Айгуль (азыло сямен ик **спорт** костюмен) Миргурезь палась пумитами бызьыса лыктэ. Атае вёзам ой луысал ке, мон соин вераськысал, дыр. Нош али возытгес, Айгуль азын я сереме уськытоз, я мар. Дугды ай, нош мар луоз вераськемысь? Нокин но ымам уз чабкы ук. Мар шуыса вазиськом ай?

Айгуль дорамы матэктйз.

—Зечбуресь, Николай Матвеевич но Толя...

—Зеч, зеч. Мар чукна ик бызьылйськод? — юаз атае.

—Физзарядка...

Нош кытысь Айгуль мынэсьтым нимме тодэм меда? Кин верам солы? Атае шат?

—Айгуль... — вази мон. Куарае мырдэм потйз, ньылонам кыёе ке комок дугдйз кадь.

—Георгиевна, — ватсаз атае. Мон мар шуыны уг тодйськы ни. Шөдйсько, бамъёсы гордэктйзы, мугоры но зырдаз. Атайлэн ваземез юмоке вуттйз. Ачиз со монэ өз виты ни, азыпала вамыштйз.

—Маке веранэд вань-а, Толя? — шорам учкыса юаз Айгуль.

—Марым...тй кыёе предметэн дышетоды?

—Физкультураен.

—Соин-а нуналлы быдэ бызьылйськоды?

Айгульлэн серемез потйз. «Малы мон сыёе вераськисько? Пичи мурт но тазы уз юа ук! Физкультураен дышетйсьёс гинэ-а, мар-а бызьылозы? Вот визьтэм!» — пыкылйсько асме ачим.

— Марым... — маке вераны турттйсько вал, Айгуль куспетй кариз: — Тон но, Толя, бызьылыны кутскы ай.

—Тй, Айгуль Георгиевна, серекъяса вераськиськоды кадь?

— Малы? Чик но уг. Зэмзэ верасько, мон ведь гуртысьтыды пинальёсты но уг тодмаськы ай. Тон юрттод мыным. Футболэн яке волейболэн шудыны команда кылдытом. Пиосты трос.

- Ыектонды пумысен малпасько ай. Ыытазе вераськом.
- Малы жытазе? Чуказе чукна. Физзарядка дырря.
- Ярам, иське.

Айгуль бызьыса гурт пала кошкыз. Мон интыям ик сылыса кыли. Зарядкае потыны соглаш луи, нош кытын пумиськон сярысь ом кенеше. Оло, чик но соглаш кариськоно ой вал? Бусыысь бер бертисько, изем потэ. Алилэсь но вазь султоно луоз-а, мар-а? Айгулен чощ бызьылэмме адзиса, мар шуозы адямиос? Супыльтонёс вёлдозы ук. Физзарядкае ой ке поты, нылмурт монэ воксё сереме уськытоз. Котьмар медло, чуказе бызьылыса эскеро...

Нырысь нунальёсы Айгуль сёры мырдэм вуылй. Со вал кадъ бызьылэ вылэм, жадёнэз но уг тоды.

Одйг пол ял карыны Миргурезь доры дугдйм. Көнря ке сылэммы бере Айгуль шуиз:

— Ойдо, Толя, чощатском — кин жоггес тубоз гурезь йылэ.

— Мон соглаш овёл. Тон... тй...

— Тон шуыса вазиськы мыным, Толя.

— Тон, Айгуль, юри бере кылэд, чощатскыса тубыкумы.

— Асьмеос чощ ум тубе. Нимаз. Мынам секундомере вань ук. Соку мон гурезь йылэ Айгульлэсь конялы ке жоггес тубиськем.

Вормемелы ой шумпоты, йырам мукет малпанёс кылдйзы. Айгуль мынэсьтым мылкыдме жутон понна гинэ сыче чощатскон ортчйтйз, дыр. Ачиз вань кужымзэ сётыса оз бызьы.

— Молодец, Толя! Оскисько, тон куке но чемпион луод! — нылмурт мынам пельпумам чабкыз. Мон гор-гор серектй:

— Шедьтйд чемпионэз!

Нош Айгуль уг пальпоты:

— Малы серекьяськод? Зэмзэ верасько. Тон оскы аслад кужымедлы, Толя.

Айгульлэн верам кыльёсыз соку ик уйвотме тодэ вайытйзы. Мадёно шат сое? Кылзоз меда? Уг, уг вера... Айгуль серекьялоз монэ.

— Толя, мар чалмыт сылйськод? Ымнырыд малпаськись тусо луиз...

— Монэ чемпион карид но, табере со нимен кытчы мыноно меда шуыса малпаськисько, — тазы верамелы ачим но шумпотй, пальпотыса учкисько нылмурт шоры. Айгуль гурак серектйз:

— Тон маскарчи вылэмед!

Нылмуртлэн жингрес куараез быдэс улосэз сайкатйз кадъ. Со куараез мыным туж мусо потйз. Таче серектэмзэ кылэме ой вал на угось.

\* \* \*

Уйшор вуэ ни. Куазь малы ке но пеймытаны уг малпа. Инме учки но — толэзь, кытчы ке дыртыса кадъ, туж жог лобе. Кытчы дыртэ со? Аспортэм суредлы паймеменым, котырак утчаськыны одьяй. Кизилиос уг адзисько. Толэзьлэсь лобон мугзэ валай: пилемёс кошкемья озы адзиське вылэм. Соос уй куно вадьсы вуизы но — суред воштйськиз: пилемёс лобо, нош толэзь одйг интыяз сылэ ни. Син пöет.

Юбо выллем сылйсько мон университетлэн коридорысьтыз борддор вöзын. Дышетскыны пыремёслэн списоказы мынам фамилие овёл. Одйг баллэ тырмымтэ! Нош кыче оски вал...

Вöзтйм егит нылёс но пиос ортчыло, маке но верасько, серекьяло. Мон нокинэ уг кылйськы, пыдёсы выж борды лякиськызы кадъ, интыысьтым вырзыны уг дйсьтйськы. Ма кароно? Кыче синёсын учком анаен атай шоры? Мар шуозы соос? Нош Айгуль? Соин пумиськыны но кулэ овёл ни. Городэ ке кылёно? Кыче ке уж шедьтыны луоз, дыр. Кудаз ке заводэ интыяськыны быгато. Улон инты шедьто меда? Огъяулонние инты соку ик уз сётэ, вылды. Ужаны кутскеме бере анай-атаелы дышетскисько шуыса верай ке, со асме алдам выллем пöрмоз. Мар пайдаез солэн? Алдаськон куке но одно шараяськоз. Тынад, пиосмуртлэн, зэмзэ вераны дйсьтонэд тырмымтэ, шуозы. Чик ой малпа вал, зуч кылын сочинение понна «куинь» басьто шуыса. Сочинениосы понна школаын котьку «ныльёс» но «витьёс»

пуктылйзы. Татын, экзаменын, капчиен гожтй. Янгышъёсы шат кылиллям? Спорт чошатсконъёсын вань куронъёсты быдэстй, зачѣтъёс басьтй. Эх, шу! «Тон, Толя, укыргес оскид аслыд ачид. Малпанад но ой вал, университетэ пырыны уд быгаты шуыса», — пыкылйсько асме табере. Юмоке сюрныны капчи вылэм.

Списокъёсын листокъёс вöзын нокин мон сямен малпаськыса уг сылы кадъ — учко но кошко. Куд-огъёсыз, тужгес но нылъёс, студент луэмзылы шумпотэмзэс уг вато: чир кесяськыса интыязы ик тэтчало, ява, мылкыдзыя покчиослэсь кыдѣке кошкемын öвöл на.

Мар мон татын бакча сульдэр кадъ сылыны кулэ? Экзамен — со экзамен. Конкурс пичи ой вал: одйг интые куинь мурт. Пырыны быгатымтэос трос. Мон огнам öвöл. Туннэ öз пöрмы, чюказе удалтоз. Гуртэ берто но колхозын ужало.

Пельпум бордам йöтскись луиз. Шуак берытски но — Поздеев дышетйсь. Нимтулыз йырам öз кылы. Спорт чошатсконъёсья экзаменъёсты со кутйз. Дышетйсьлэн-тренерлэн мыйыкез Чапаевлэн кадъ ик. Одйг пол пумитад ке та адымиез, ноку уд вунэты.

—Пургин, ымнырыд чырс палэзь сием бере кадъ, — шорам пальпотыса учкиз Поздеев.

Удмурт кылын ваземезлы пайми. Та дырозь удмурт кылзэ öз поттылы вал. Фамилиме но вунэтымтэ. Мон мар шуыны пайми, шораз пальпотыса учки. Пальпотэме öз пöрмы, дыр.

—Списокын фамилиед öвöл? — юаз дышетйсь.

—Öвöл... — вази мон.

—Мар йырде ошиськод? — куаразэ ик будэтйз Поздеев.

Али гинэ валай со азын йырге мыкыртыса сылэмме. Палэнысен таё суред тунсыко адзйське, дыр: кожалод, пичи пияш урокын «кык» басьтэм но атаез азын губырскыса сямен сылэ, мар вераны уг тоды.

—Ойдо ай көня ке палэнском татысь, — Поздеев монэ ас сьöраз, коридорлэн мукет палаз, öтиз. — Толя, тынад дышетскемед потэ, — табере дышетйсь мыным нимын вазиськиз. — Мон тодйсько сое... Тон плотниклэсь ужзэ көня ке но валаськод-а?

Поздеев шоры паймыса учки. Пумитаз мар шуыны зудй.

—Рудольф Евграфович мон. Озы вазиськыны быгатйськод.

—Гуртын плотник но, слесарь но луоно. Атаеным чош пöртэм ужъёсты быдэсьяськом.

Тазы вераменым Поздеев соглаш öз кариськы, лэся, соку ик выль юан сётйз:

—Нош атаед вöзад öвöл ке?

—Тйрең, бычкыен вырыны ас поннам но йöндырысько. Школа мастерскойын но ужем вань.

—Туж умой. Мынам тыныд, Толя, таё чектонэ вань. Тон али рабфаке интыяськыны быгатод, — шуиз Рудольф Евграфович но мынэсьтым ваземме витьыны öдъяз.

—Рабфак? — паймеменым мынам синъёсы питырскизы. Ма карод, со кылэз кылэме öвöл бере? Милемлы школаын рабфак сярись нокин кылшум öз поттылы.

«Рабочий факультет» нимаське со. Вуоно студентъёсты куто отчы. Соос университетын ужало, уждун но басьто, вуоно арын экзаменъёс сётыны дасясько. Огъяулонние но инты шедьтыны быгатозы, — валэктйз Поздеев.

—Нош малы мыным сыёе чектон сётйськоды? — ой чида юатэк.

—Логично, шонер юаськод, — вераны кутскиз Рудольф Евграфович. — Тынэсьтыд, Толя, усто спортсмен пöрмыны кулэ. Мон валай сое, спортъя зачѣтъёс сётъямдэ адзйса. Капчи атлетикая тон бадзымесь гормонъёс басьтыны быгатод. Вот соин ик... тыныд рабфаке интыяськоно. Ужалод но, спорт секция но ветлод. Собере... нырысетй курсэ пырем студентъёс пöлысь кин ке, оло, дышетсконзэ кыёе ке мугъя куштыса кошкоз. Сыёе учырйёс луыло. Буш кылем интые тонэ басьтыны быгатозы. Валамон-а?

—Валамон кадъ...



- Нош «кадь» кылзэ куштыса? — пальпотйз Рудольф Евграфович.
- Валамон, — мынам но ымнырам пальпотонэ жуатскиз.
- Соку азылань, ойдо куриьскон гожтыны, — монэ съöраз öтиз дышетйсь.

Продолжение читайте: Кенеш. – 2021, №8. – С. 17-33.